

緣督廬日記抄

綠督廬日記抄卷三

光緒甲申至乙酉凡二年

長洲葉昌熾著

邑瀨學士季烈輯

甲申正月

元旦校論衡一卷

十一日讀顏氏家訓係武昌局本亥豕迷目鄭金尚書云新得
孰芸宋本吳太史蔚若所貽也

十三日在慕周處見校本文選朱墨爛然無款不知誰氏筆也
慕周又云新有洞庭東山人以沈文起王荊公詩補注手稿
出售先生左傳補注蘇詩補注皆經三徑付刊惜不得此種
並梓之也

十四日作朱孝子詩七律兩首

十五日作翁烈女詞五古一首

十六日為仲午開筆文理尚順詩思拙澁不能成一字

二十日訪此懷見元俞紫芝所臨楔帖後有陳眉公王良常跋
廿四日李靜山丈之子及張叔朋並來從游致申季書附去常
州二陸集又致直清書述三徑意贈以左海前集兩部說文
易知錄李氏五種富歸草堂叢書各一部

廿七日此懷來云吳興沈叔麗有宋本文子秘不示人聞之狂
喜亟屬往詢則王通中說非文子也

二月

初三日得蘇生書黃御史集一部

初四日得渭漁書知己赴潮陽擬排印小學鉤沈又云粵雅堂
叢書三集已竣未見其目

十三日叔朋來新到說文疑疑成自撰一序屬為點定因取錢

榮堂說文略例畀之渠所刻為許學叢書凡涉六書者皆可
刻入也榮堂先生浙江上虞人作令閩中此書鄉生寄來前
有楊希閔序後附說文段注刊補全書塗乙甚多當是未定
稿也募此懷來携杜小舫觀堂所撰詞話見示

十六日東此懷借仿宋紹熙本穀梁傳四冊黎統齋星使在東
瀛摹刊旁有金澤文庫印雕造楷印色色俱臻絕頂以士禮
最初印本較之猶曠乎其後他無論矣聞星使得唐寫宋刊
本甚多俱金澤庫中物頃已影刊七八種有唐寫漢書食貨
志殘本玉篇宋刊雕玉集皇氏論語義疏將來星使瓜代所
刻板皆捆載來吳必購之為治廬藏書生色也

十七日黎刊穀梁午甯摩挲心目俱明其本為宋紹熙建安余
仁仲校刊與汪刻公羊祖本同出一源每卷後記經傳若干

字注若干字音義若干字仁仲比校訖序後六行云公羊穀
梁二書書肆苦無善本謹以家藏監本及江浙諸處官本參
校頗加釐正惟是陸氏釋音字或與正文字不同如此序釀
朔陸氏釀作讓隱元年嫡子作通歸舍作哈召公作邵桓四
年曰菟作廬若此者眾皆不敢以臆見更定姑兩存之以俟
知者紹熙辛亥孟冬朔日建安余仁仲敬書凡百餘字皆指
公羊言而復附於穀梁序後不可解也十二卷列校刊姓名
云國學進士余仁仲校正國學進士劉子庚同校國學進士
陳幾同校國學進士張甫同校奉議郎簽書武安軍節度判
官廳公事陳應行叅校凡五行又一行云癸丑仲秋重校訖
有余氏萬卷堂藏書記圖印後附經籍訪古志一則乃日本
人所記云本係紫學士邦彥舊藏性年符谷望之與松崎謙

堂謀就阿波侯國學俾書生影鈔毫髮盡肖今猶藏在求古樓

十八日作丹徒嚴樞人到臂事略書後一首樞人色晚邛之婦子丹廣文之媳也

廿八日鄭金尚書贈揚秋室集東瀛詩選衛生家寶產科備要三月

初一日鄭金尚書屬撰王孝子祠堂碑記及其詩集序初九日鄭金文以無事為福齋筆記屬為刪其不典者將以付刊錢唐韓小亭泰華所撰也

十一日為鄭金文校李南澗集原文約八十篇先有人刪去十餘首茲復去其應刪文字十八首計刪存五十首南澗古文非所長而精於金石目錄之學集中琉璃廠書肆記及金石

諸篇皆卓然可存也

十二日作會稽王孝子廟碑記代鄭僉文

十五日南澗集又刪十首編為二卷

廿三日作愍孝錄序亦代居停夜返舍校江鄭堂半續齋題跋
共三卷上書籍中石刻下吉金

四月

初六日鄭僉文示抄本唐子畏題畫詩前有某跋云惠陶山刻
六如集惜不見此本也又抄本周玄暉涇林續記玄暉明萬
曆進士以廣東電白知縣入為御史坐寧庚死獄中其書府
志載文著錄又校刻平定羅利方略四卷

十二日南澗集半續題跋平定羅利方略無事為福齋隨筆約
刻竣又發國史攷異六卷吳江滿檀章吳炎同撰兩人皆莊

廷鑑史案中獲咎者其書在禁燬列然攷核精詳實為明史絕學且僅至永樂朝止並無忌諱也

十五日讀鮚埼亭外編謝山於殘明遺老表章之不遺餘力孫海軼事賴茲不墜不獨文筆之雄也

十六日申季偕純老來云新得帝卿書招赴叔濟先生幕

鄭堂題跋三卷上書籍中碑版下彝器邠老因下卷淺陋刪之未刻然漢帳構銅一跋實有攷証錄於左

右漢帳構銅重今權

兩高

中空文十五藏秦鼓夫

太史家帳構銅見西京雜記宋書江夏王義恭傳南史崔祖思傳南監本或作構或作構構誤木為才也周廣業據南齊書崔祖思傳及玉海所引作鈎紛紛辨論謂改構為鈎當避宋高宗諱南齊書亦宋人所改廣業偶未檢南監本宋書與

南史耳考帳構之製宋書江夏王義恭傳帳構不得作五花
豎筍形以意度當如蓋之達常上為筍距以內空中故通計
其長長一丈也高八尺五寸者計帳之高也構必有四立於
四阿以架帳構說文解字曰蓋也杜林以為像桷字玉篇曰
架屋也構如屋之有柱若架屋然故名為構屬鵠景初帳構
銅詩序云狀圓如筍徑一寸長四寸中空而底方旁出歧枝
此乃歧枝形也是器乃豎筍形也景初帳構中尚方所造蓋
魏時歧枝直筍上下通用至劉宋時諸王以下定制用歧枝
唯天子得用豎筍矣文係隸書極細而勁挺古茂與海靈沈
範尊拓本相似在方兩時所藏景初帳構之上當是漢代之
物無疑也

十七日街吟館帖估以錢梅溪朋舊赤牘二十餘通求售且昂

不能得因錄數通如左

阮丈達書一通 春仲由芝軒先生處送到手函並惠各件
披情文于尺素玩雅意於群珍藉慰淵懷曷勝欣躍自別來
三十餘年彼此皆為健在吾兄固善善有素可歲邁山舟弟
之素弱多勞往來於巖壘瘴路不致仆卧真微幸矣又知三
子四孫一曾孫林立膝下足娛老境弟蒙恩內召勉力趨公
但衰不能走想亦不遠現亦三子九孫宗楊各半居住自己
目昏心忡來書不觀報筆不作凡所自寫草草而已細玩來
函筆墨仍前不老可見精神純固之至日本漆盤即置案前
佳箋即用以奉答縮本石鼓妙極縮泰華諸碑亦妙復圖裝
話已經披讀一通付與兒輩觀之其中頗多嘉慶十年前後
之人之事如憶舊學如見古人非公裁筆化為太虛矣肅此

奉謝并候台安不既樸漢老兄足下愚弟阮元頓首

再者言子一事弟按凡各子書名為某子某子者如是漢前
本有成書而流傳至今乃為可據若宋以後人在各古書內
采集而成者則未可據今閱目錄所列禮運二段固可據刻
石亦宜至於從論孟檀弓內摘出者則可不必至于孔叢子
孔子家語皆是後人偽作尤不可摘尚不及論語摘輔相也
故用隸寫刻似可不必若將目錄前半列為一子刻成一書
則可以家藏一本不似碑捐之不易得年久易零落不表也
無也但即刻前半亦未可輕率須得顧千里等精細研學之
人校論一遍方原脫一字此事所以未能如虜也弟元又啓
禮運隸石似可畝言子廟中

陳曼卿詩八首 象山縣石屋八景詩奉和梅溪先生即呈

繁削 山花何繽紛一雨乃颯沓結蒂花雨間芳香四圍西

天女期未來蕭然此寒衲

西香

秋聲不可聞况復作意聽鳴

蟲間落葉約略蒼苔徑柳夢漸沈沈又動前山磬

聽秋

出岫

雲自閒入山心更寂隔中一餉眠渺矣塵襟滌何嘗朝玉京

下視千尋壁

眠

孤山有高士放鶴鶴仍至我乃羣峰巔胎

禽喻微意舉手空中招天峯落遙翠

招

身垢不忘浴心垢

不忘洗身心了無殊垢淨乃得已嗟彼醒醒者視此泠泠水

洗心 說法聞生公點頭到頑石伊余尚迷途勞爾為指畫上

有雲霄青下有藤蘿碧

指

溪澗激鳴玉奔泉環山青山中

挑花開片片飛瓊瑤臨流發遐想勝詠誰枉邀

流

華舉世皆

知音所愧不善彈摩挲無絃琴徒倚月未殘成連來海上遇

之青雲端

移情

甲寅春仲十有七日曼生弟陳鴻壽拜稿

王暢夫詩二首 歲暮懷人舊作 未谷此行一萬里此官

一作安能止六十曾非少壯時未知死別與生離天下八分

誰弟一錢泳于今當繼出到處滙波沉宅居齋題畫舫見君

護余齋中猶用未谷贈別所書滙波舫三字右桂未谷履 篆印分書均寄我

求我一詩我未果再書抵爾浙江湄游踪約略難具知吾家

同叔今 賜葵礪石粗成方選匠已將篆記屬吳融要倩

中郎寫一通方求叔人記求為書之右錢立羣泳 余在

華亭作此詩寄立羣於浙江而未之能達今相遇京師始寫

奉一笑嘉慶四年四月長洲王芑孫

黃芑園詩一首 梅溪先生六十初度謹用梅花溪續草中

戊寅元旦詩韻奉祝并求削正果是梅花有喜神宋伯仁有梅花喜神

諸虬枝歷過幾回春溪邊合伴漁樵侶林下真宜隱達人曾

記壯游交四海尚留孺慕到雙親平頭六十齡先九壽介椒

盤歲獻新

聞君處風土往往于歲朔作生日

宋慶一翁啓烈拜索

謝鯨山詩二首

仙童逶迤三茅觀道士名留七竇山仿佛

石鯉題篆好數行蒼玉刻孱顏武肅裔孫真好事題詩直上

最高峰歲雲觸石仙鳧現千百年來喜再逢錢梅溪先生

榻得唐開成題名南嶽道士那金錢唐令錢華記道士詩萬

鑑元書數十字篆文在今城隍山青衣泉上以一紙貽予並

邀作書率成二絕書以奉政時嘉慶二年四月十六日也南

康謝啓昆

法梧門詩一首

人愛籀石詩我愛籀石畫匪謂畫勝詩世

鮮擅此派今乃見替人湘煙秋不壞全從隸法出弗留一筆

敗自與塵埃遠綠淨滴石髓十年空谷中無言足清快春風

雖噓及詎肯長安賣沅江望天末澹影夕陽曉惟遇同心人
停琴寫幽怪 梅溪先生畫蘭見始作此以報即希指謬梧
門法式善

廿四日作輓對兩聯其一輓東蓀云其亡也忽焉父先兄後旋
以身從厚德若茲而不永年令我心灰如廢井彼逝者已矣
弱息遺孀皆未死責重泉可作當求無愧莫教腹痛到臨歧
見身說法知我罪我皆所不計

廿五日購昭陵石搨二十八種隋造交龍象碑一紙前閱韓小
亭筆記云昭陵石刻每經官拓土人恨其需索必椎損數十
字以是無一完碑劉燕庭有昭陵碑考亦未見傳本

廿六日購抄本父陵文集兩本涇縣雷伯顏著前有魏叔子序
其同時人也原書十六卷今惟存首二卷而目尚全有竹垞

藏書記盧文弨何夢華朱印

廿八日至貢院前購齊造象一張魏元莫振興溫崇頌唐三藏
大遍覺法師塔銘獨孤仁政墓志銘皆新拓本

五月

初二日侯念椿持元本曾先之十八史略明初本郭茂倩樂府
三輔黃圖欲售與邵老屬為介紹因非上乘辭之郭書上方
有此瞻先生校筆並海虞馮舒題字

初三日購睦州刺史張琮碑于維則建院羅尼經幢記蕭思亮
墓志唐景龍觀鐘銘佛頂尊勝陀羅尼經幢皆新拓本

十三日校國史攷異新刻本

十四日校攷異自裴唐幽州都督牛公碑銘僅存百許字即昭
陵諸碑之一也

十五日鄭金文以南陵經說三冊屬校刻山陰王紹蘭等又周人經說三冊亦其手輯皆殘闕不完

十七日和潘季玉文歲朝賞菊詩即次其韻購道因碑李西平神道碑臧懷恪碑樊府君碑各一紙

二十日校南陵經說

廿二日校周人經說

廿七日壽卿新自秦歸贈唐石經搨本全部

閏月

初一日晨訪壽卿別四年矣為談秦中事官場之積習民俗之奢情與此間一轍石刻携歸不少唐人墓志至一百數十種校周人經說

初二日校周人經說

初三日校王氏經說

初四日校王氏經說

初六日衛吟館持唐碑數種並經幢墓志搨本求售頗有可取者校王氏經說

初七日校王氏經說字樣

初九日衛吟館帖估來購定舊拓契苾明碑一張造像一張墓志六種徐州使院石幢一套又經幢三種共洋二元八角

十三日校周人經說

十四日周衛甫來購定唐人墓志七十種問雜以遼東塔銘陀羅經咒數紙

十六日校周人經說見鄭龔文屬刻廣陽雜記劉獻廷繼莊撰抄本兩巨冊十四萬字有奇約需工價英餅一百九十元

雜記趙撫叔傳錄本

二十日致丁泳之丈書借廣陽雜記兩冊按趙本多刪節處非足本也惟有王崑繩所撰墓表一篇可補全謝山沈冠云俱為繼莊作傳沈謂繼莊卒年四十八謝山駁之云繼莊弱冠居吳歷三十年又之楚之燕卒死於吳在壬申以後則其年多矣今攷崑繩與繼莊同在史局死又往弔其墓而表云年四十八則沈氏之言自不謬全謝山疑之非也沈彤文兩鈔本皆不錄當取果堂文補入之

廿一日校廣陽雜記中一則云辛亥余年二十三歲偕顏小謝初游臨安訪李虎文屈指二十六年矣此先生自計其年而合之已四十九年全氏之說實不謬然崑繩與先生同時又後先生卒必不當誤乃傳寫失耳

廿二日校廣陽雜記

廿三日校廣陽雜記得此懷東附來仿宋刻楚詞集注程子易傳蜀本爾雅為鄭盦文所購也自購姓解一冊影宋景祐刻雁門邵思纂前有景祐二年上祀圓丘後五日自序其書諸家從未著錄多引逸文墜典可寶也

得蕪生書並張宛鄰國策釋地二冊抄本又新序戴子高校本末有題字云甲子四月望日乙酉戴望校卷首子高及周季貺各有題記蕪生即得諸貺老也

廿四日校廣陽雜記晤直清知熊菊生在涇縣任為盜紐署其太夫人及生母均受重傷戕斃一子或云僕某黨獄怨家為之天之報施善人其何如耶

廿五日王氏經說周人經說皆刻成夜即校樣本一卷

廿六日返舍後卿來談鄭重文以西清日記兩卷屬刻

廿七日東祀懷取歸仿宋台州本荀子案宇記補闕鄭重文所屬購也荀子二十卷後有剏向校上書錄錄後二行將仕郎守祕書省著作佐郎元御史台主簿臣王子韶同校朝奉郎尚書兵部員外郎知制誥上騎都尉賜紫金魚袋臣呂夏卿重校又剏子云國子監准熙寧元年九月八日中書剏子節文校定荀揚書所狀先准中書剏子奉聖旨校定荀子揚子內揚子一部先次校畢已於治平二年十二月內申納訖今來再校到荀子一部計二十卷裝寫已了續次申納者申聞事右奉聖旨荀子送國子監開版依揚子并音義例印進進呈及宣賜剏付國子監準此後到盧侗王汝翼顏汶焦千之梁師孟董唐臣黎鏞韓端彥程伯孫畢之翰呂海錢公輔唐

介越抃曹公亮銜名再後淳熙八年辛丑十一月甲申朔
諸郎權發遣台州軍州事唐仲友後序蓋仲友取熙寧監本
覆刊於台州也字大如錢措妙無匹

廿八日校經說新刊本得緝甫東增來影寫列于精絕更得上
等雕手可與士禮齊驅矣

廿九日鄭僉文贈靖康要錄屢久能悔庵學文徐養原周官故
書攷皆爾宋樓刻本也校經說

六月

初一日張叔鵬來持新刻說文段注撰要跋見質又欲刻鄧嶠
筠說文雙聲疊韻譜此書非切要同文局又新出石印本殊
可省此一舉風之不從勸以刻說文料詮亦不謂然蓋其意
在節省刊資密行大悞均非所願也

初二日校經說畢又校列子一卷東研農為馬純生孝廉身後乞助

初三日鄭盒文贈姚翁所見詩錄伏敵堂詩及家集兩種

初四日鄭盒文言庚申都下怡王府宋元禁本捆載出售所見周易單疏左傳單疏皆北宋大字監本驚人秘笈每部不過數金皆為常熟翁尚書及楊協卿太史所得劉燕庭家金石亦于此時出售棄置一件亦不過數金而已

初六日鄭盒文屬刻西清筆記沈文冬青館古宮詞張秋筆記

萬餘字刻資約十五千文宮詞四萬六千餘字刻資約七十千文

初八日鄭盒文贈說文古本致一部沈濤西雍撰又以其所作廣陽雜記跋見示晚周術甫來購定昭陵全套計廿五種亦

非全文但較尋常拓本確不可以通里計直兩餅又魏經幢一種無年月唐經幢四種一無年月一殘缺僅元年正月十五日弟子石索十一字可辨一止為開元神武皇帝造筆法娟秀絕似靈飛經經幢中僅見者一興聖寺尼造象天寶五載九月時事如此家計如此而猶索此不疲豈非癡乎

初九日校西清日記樣本

十一日見鄭盦文屬刻涇林續記並即為撰一跋其書中述嚴東樓事有云世藩諸不法狀詳載於祖紀中則元碑先有涇林祖紀矣惜佚不傳即府志藝文類亦僅著錄此書而祖紀不及不可解也周衡甫來前所購昭陵全套究非全文復還之又購定魏元象二年趙融造凝禪寺三級浮圖碑周強獨樂為文宣王造像碑唐周王祠記無憂王寺大聖真身塔銘

吏部尚書高元裕碑法門寺重修塔廟記又薛公何史耶志
碑即昭陵之一種全文也涇林續記二萬二千字刻資約三
十元

十二日見鄭金丈贈嘉定錢氏莪文志略張秋水烏臺詩案廣
證墨妙亭碑目考

十三日佩鶴來新自鄂中返棹携到翼甫書並陶子鎮太史許
君年表二冊又知前日孫浚民自山左歸携贈漢碑造像數
種內泥其卿墳壇上谷府君墳壇題字皆其手拓又附到陸
惕身書並贈孔廟漢碑濟甯州學漢碑全套皆精拓本以舊
藏拓本較後來居上卹亭任少司成時自往國學監拓石鼓
較國初拓者轉多數字乃知此事捐手大有關係不獨時代
先後也

十四日到館校涇林續記有任頤丘一則是元暉又嘗為頤丘
令也府志選舉題名但云任廣東電白知縣

十五日午後訪孫得之談山左金石並出贈魏王偃墓志又以
時珍墓志及漢朱博頌拓本漢無益太守劉曜殘石相示皆
新出土者據云牛震空山堂集金石圖及趙明誠金石錄原
板尚在舊空泉校定書三種卽亭印存十餘部翟君有治說
文著述十許冊未刻卽亭方在借鈔王萊友說文三種及蛾
術編等零種皆有刻本書局可取者則惟春秋大事表而已
鄭盦文贈晉楊君神道題字石刻周衡甫以牛頭寺經幢求
售索賈至二元余之結習為所窺破矣其石震宇訪碑錄作
宋遙建今諦審拓本是瑤非遙也末有中書省鐫四字
十六日為校廣陽雜記樣本其第五卷多襲疑權語疑權為明

博羅張瑩著同時為李卓吾盜刻七卷今獻莊復襲之此書
並非奇作吾不解諸君何以喜之也

十七日校廣陽雜記

二十日得基隆失守信

廿三日鄭金文贈孔仙殘碑拓本有陰是碑新出曲阜藏海豐
吳氏近人無著錄者唯其目見天下碑錄及寶刻叢編文無
考

廿四日鄭金文以劉平國石刻見贈是碑施均甫得之賽里木
前無著錄者且聞石已燬矣錄施君釋文及考於左
上方

施茲左將軍劉平國以七月

施釋作廿九日於家

從秦人孟伯山狄虎賁趙當卑民

石當卑程阿羗等六人共來作利直從

寸谷關八月一日始斷王輯鑿山名作此施作至八日

以堅固萬歲人民喜長壽億年宜

子孫永壽四年八月甲戌朔十二日

乙施作酉直連紀此東烏累關施作

將軍所作也仁披

下方

京兆長安

淳于伯施作隗提非

作此誦

此石在今阿克蘇所屬賽里木東北二百里山上五年夏有
軍人過其地見石壁露殘字漫漶不可識或以告余疑為漢

刻秋八月余請於節帥張公命總戎王得魁大令張廷揖具
殯推農糧往拓之得其點畫完具者九十餘字按文稱永壽
四年八月永壽為後漢桓帝年號後漢書桓紀凡改年號六
建和和平永興永壽延熹永康其稱永壽凡三年四年六月
戊寅大赦天下改元延熹漢書龜茲國去長安七千四百八
十里後漢都雒陽視長安較遠其時未奉改元之詔故稱永
壽四年耳云龜茲左將軍劉平因漢書龜茲國有左右將左
右都尉左右騎君左右力輔左將軍即左將其下尊稱之非
官號也云東烏累闐城漢書烏壘城都護治所在龜茲東三
百五十里按漢宿令阿克蘇姑墨今賽里木拜城龜茲今庫
車賽里木至庫車百餘里今至刻石處二百里已越龜茲而
東距烏壘城不遠矣云京兆長安淳于某作此誦後漢雖都

洛陽長安乃其舊都故仍稱京兆關外漢碑如敦煌太守裴岑碑沙南侯獲碑先後見於海內金石之錄茲碑至今始出
豈非文字之顯晦固有其時歟裴岑侯獲劉平國均於史傳
無攷而三碑略見事蹟吾意西域三十六國兩漢都護校尉
之所到必有紀功述事之作刻之荒厓遠谷而淋日矣不可
摩滅庶幾有續見之者盡拓以歸以補班范兩史之缺乎烏
程施補華

廿五日校廣陽雜記

廿七日校廣陽雜記得此懷書知總署因基隆一事移文各國
公使詰責法商如前禁鷺即行決戰又聞法人已發兵萬首
途果爾則利在這戰待其厚集兵力圖之不易矣

廿八日校廣陽雜記購定牛頭寺經幢一冊賈洋一元後題乾

符六年歲次己亥二月辛酉朔十二日壬申孤子宋瑤奉口
建立此幢寰宇訪碑錄題沙門詞浩述并書今拓本並無詞
浩名或脫去抑孫氏之誤皆不可知周衛甫又送來隋裴公
碑李百藥撰文殷令名書貞觀十一年立又沔縣諸葛武侯
祠記信法寺興福寺造象各一紙據云裴碑已為賊燬索賈
頗昂且造象拓手劣即還之

廿九日校涇林續記

三十日得石麟書知電局有信戰事已成危哉岌岌矣

七月

初一日到館校廣陽雜記帖賈唐仁齋來購定李北海端州石
室記靈巖寺碑北齊大公呂望表吏部南曹石幢殊拓天寶
四載製注造幢共五種又小幢六種一石晉天福七年歲次

壬寅三月甲辰十一日丙寅建立一後周廣順三年歲次癸
丑四月辛亥朔二十一日建一宋慶曆八年戊子九月二十
六日辛酉進士董暨序一開寶八年十二月女弟子靳氏造
一歲次乙巳十一月乙巳朔四日戊申男孤子重顯為考妣
二靈建後有男太原郭重顯新婦白氏次男重甫孫女婆安
孫男婆吉等題字惜年號佚去紙斷烟一口口口年壬寅三
月戊申朔丁巳日立甥殿中丞鄭惟幾撰序并書亦是子為
父立者年字上似有和字宣和重和當致

初五日夜得電信知我師大敗兵輪碾艤幾至全軍覆沒船政
局亦被轟燬法人已佔據馬尾張幼帥退駐鼓山法人祇壞
船三艘為之怒皆欲裂書生憤事自取之答誠不足惜其如
國事何

初六日得此懷書贈乾符年幢八幅熙寧三年幢八幅均在
無錫惠山寺又龍門造像二十種拓甚精並云電信法人攻
破馬尾後即以師船四艘進攻長門為穆將軍彝沉二艘聞
安營彝沉一艘有此捷音差強人意唐仁齋來購定經幢四
種一唐開成四年十一月十四日一開成二年正月一日建
建主鄭徽同建造僧宗亮處士胡季良書大中五年八月廿
四日建當是梁乾化五年五月八日頭陀僧處道重修內有
舍利五十四顆琉璃瓶盛灣祐八年三月衆人修立又題字
一行云是幢久沒民間幸于明崇禎丙午年故光遂得興緣
檀越沈洪方子將捨次沙門元神復創于大清順治乙
未九月十三日千佛寺住錫龍興口口重修建一灣化五年
一金明昌二年六月

初十日唐仁齋來購定興福寺經幢二種皆無年月一唐陸展書一唐金貞書

十三日唐仁齋送元遺山墓銘來搨本甚舊筆法極工惜是元人物終不足重也

十四日校西清筆記

十五日校西清筆記緝甫來列子寫畢共五萬三千字聞邨鈔上諭與法人決戰劉永福以提督記名簡放賞戴花翎統率所部進圍越南

十六日校宮詞稿本訪鳳生贈新刻翁覃谿表忠觀碑跋一紙

十七日校涇林雜記

十九日校廣陽雜記

二十日校廣陽雜記鄭益文新得甌龍城古碑其文非篆非隸

非楷出以見示并云疑是女直字即取輯編所摹郎君行記

校之筆法殊不類別一國書碑附金末則與此刻酷肖光世

刈尖四字正同當是同特物也細審碑中丞朱君

行第二傳第三

行十月

第四

等字似可辨而末三字頗似兔兒年若然則此

稱蒙古始有又非金刻矣碑在今盛京英額達門外鮮圍場

海龍城北六里山顛五行二十餘字不等後有兩大字似鈐

記狀得建霞兩書知山左船象有二百餘種又新得元刊李

翰林集

廿二日鄭盦丈出示高句驪王碑其碑在奉天懷仁縣高三丈

許四而刻字前人無箸錄者此本逐段逐字拓之必須聯綴

成文方可讀也得翼甫書知慧琳音義已購定價三十七元

廿五日閱朝鮮史略及東國通鑑高句驪碑以文中八年戊戌

九年己亥考之乃是西川王紀功碑也

廿六日此懷以經幢二種見贈一咸通十五年三月十三日牟文慶敬造一無年月無經文每幢一面皆有佛像二面題云常山王及文武官寮三軍將仕等創建尊勝尼幢一而題云奉為今皇帝府主相公文武口寮三軍百姓重修一面題左相僧道都口沙門行口十字一面題院主僧歸政等名三面無字

廿七日謁西園師出示王損仲宋史槧本太倉聞少谷先生舊藏有李崧耘跋云宋史重修者柯維騏外有王損仲湯若士二家今湯書已亡而此本僅存云云損仲名惟儉天啟間人其書漁洋東澗並稱之得蕲生書見贈阮文達經進書目提要又謝金坡手校逸周書二冊即畢尚書據以刻入經訓堂

者也

廿九日得翼甫書並寄到慧琳音義一百卷裝五十冊所采唐以前金雅說文外有韻英韻詮等書不下數十種真小學之淵海也又采國語賈逵注極多其本自朝鮮流入日本重刻

八月

初一日連日錄高句麗碑全文至是方卒業約一千數百字有十餘字不可聯屬別紙錄之

初二日作高句麗碑跋一首

初三日購定鄭準墓志一冊頗似磚塔銘鄭奩文贈滂喜齋叢書一部較前所贈多四集中有日本金石表頗資攷證

初五日李香巖文介居停以急就拓本見贈索觀高麗碑跋、

初七日校宮詞訪周衡甫見李流芳墨跡頗尙董香光又有舊

拓皇甫君碑齋藏為文四字尚不損

初八日得頤庭書附到顧德經懷拓本即虎阜物也

初九日訪直清借歸澠水燕談錄二冊崑山潘晚香鈔本晚香先生名道根叢曾見其所輯崑山名賢墓志銘

十四日唐仁齋來結算帖價先後共購蒙龍顏建蒙寶子裴君

銘等慈寺碑郊園公功德碑隋龍藏寺碑魏石門銘鄭君墓

志隋賀若弼碑共九種又購周衡甫隋刻二種仲維那造橋

碑孟珣書舍利塔銘

十九日得翼甫書知楊惺吾自東瀛携歸宋元槧不少廣韵有金刻宋刻禮記周禮皆有宋刻小字本文選有數本又有元刻韻會舉要宋板釋藏全部欲售三千餘金

廿二日東純卿文選毛詩補傳一本日本井田仁好古撰采諸

家之說及載段諸先生實事求是學有根柢東瀛之大師也
又敘篩生書居停屬訪小浮山人三十六夢園

廿三日唐仁齋來購定漢高君闕二種又隋龍山公墓志唐昭
仁寺碑及小墓志二種午後為頤庭跋天慶觀石柱題字及
殘石古洵合冊石柱題字有胥臺鄉木漬鎮居住守湖州助
教王充及差知海陵縣黃敏備等姓字攷之郡志宋淳熙三
年郡守陳峴重建三清殿一石有淳熙三年字當即其時施
助無疑

廿四日讀楊夫先生集題桐城宋潛虛著實託名也作者康熙
時得上第值南齋以語言之過罹大辟其家以遺文置竹筒
中懸之梁上二百年無人知者庚申之亂族裔某得之其字
始稍稍傳播文筆雄奇跌宕與方侍郎苞異曲同工故侍郎

極服之

廿五日此懷來以龔孝公所藏拓本見示惜直太昂未能得也
廿八日讀褐夫先生集其文好設罵人宜其得褐也有贈劉繼
莊序一首知繼莊實僑寓吾郡之洞庭西山又好談時文與
何義門汪武曹劉言潔皆有往還文字又有沈壽民傳謝山
所作傳全本此也

廿九日唐仁齋來購定景教流行中國碑漢揚淮表各一種
三十日讀褐夫先生集有陳士慶傳即明季所謂老神仙也虞
初新志有其傳與此大同

九月

初一日讀褐夫先生集有紀光時事力辨其非降賊鄭金丈
以為鄉曲之見僕頗疑光氏後人所竄入又有紀夢一篇廣

陽雜記亦采其事廣陽稱之為田有即先生之字不讀此集
不知即為先生也後附牙遺錄一卷紀桐城捍寇事已刻之
荆駢粹編即題載田有撰而不署名也先生留心明季掌故
野史碑誌網羅甚富自言胸中有數百卷書滔滔欲出後之
賈禍慘死殆即此數百卷書為之厲也鄭盦文出示朝鮮錦
山摩崖拓本尚是秦以前古文何願船釋為徐市起禮日出
六字吳清卿釋為辰師伐敢以作漢水北七字以鐘鼎文證
之辰師二字當不謬餘未敢信也

初二日唐仁齋來購三公山碑一種漢元光四年

初三日得翼甫書寄來楊星吾出售書目二紙有古鈔易書單
疏宋刻尚書注疏春秋集傳玉篇廣韻玉篇又有元刻三本
廣韻四本各不同板文選李善注亦有宋元各一本又有宋

刊唐文粹宋文鑑禮部韻略金刊五音集韻影宋本尚書正義爾雅及舊集舊抄醫書甚夥皆是日本携歸者洵大觀也又唐人寫經二軸鄭盒文屬購因其不精選之其注疏四分律藏第九第十四二卷紙色淡黃甚厚末題皇后藤原氏光明子奉為尊考贈正一位太政大臣府君尊妣贈從一位橘氏太夫人敬寫一切經論及律莊嚴既了伏願憑斯勝因奉資冥助永庇菩提之樹長游般若之津又願上奉聖朝恒延福壽下及寮案共盡忠節又光明子自發誓言弘濟沈淪勤除煩障妙窮諸法早契菩提乃至傳燈無窮流布天下聞名持卷獲福消災一切迷方會歸覺路天平十二年五月一日記攷天平紀年在唐開元時已逾千禩而墨色如新旁有朱筆改正誤字亦鮮明不脫惟筆法草草非當時工書人筆據

揚君云尚有精者在靈飛鬱丹越之上欲俟刻石而後售之
初五日鄭僉文出示宋拓夏承碑及小蓬萊館宋拓漢魏五碑
皆希世之本夏承碑精采奕奕奇偉萬狀世人僅見漳川重
刻本不知此碑之妙也香嚴文藏宋拓石本隸韵所收此碑
字居停版以相校毫釐不失何此瞻跋已割去有錢晚徵許
珮林題字舊莊碑疆圖額氏新以巨價得之妻壽碑在常熟
翁尚書處義門何氏所謂漢碑合璧者即此二本也黃氏五
種曰成陽靈臺曰幽州刺史朱龜曰小黃門譙敏皆宋人覆
本曰漢涼州刺史魏元丕碑曰魏廬江太守茲式碑皆原刻
朱龜雖覆本神采特勝靈臺碑字與翁頤廟碑近稍整齊耳
五碑皆有潭溪跋與兩漢金石記所載不同因急於返璧不
能盡錄惟錄元丕朱龜諸跋於後

魏君元丕碑

翁蘇齋跋云予聞是碑半載矣今始得見之復得借以鈎摹
竟日文字之緣良幸良幸

二十八年
字隸書

又跋云是日獲同秘檢秋

史編脩柏泉仲子兩上舍同在大興翁方綱詩境軒觀此秋
史既為識同觀歲月於右而方綱復為跋三條書於後葉六
月十日又題云此秦安趙氏所舊藏世無二本也方綱又記
又跋云右漢故涼州刺史魏君之碑凡存四百九十五字以
校洪氏隸釋所錄者少其廿五字多其七字秦下逝字精奚
之下隤類二字百典下察字三方失下不字二書下之字番
尋下輒字凡七字皆洪氏所無也碑內倦即還字蘇即穆字
其作蘇者隸釋板本誤以皇為皇也秦勞也鄭康成曰秦今
倦字漢碑皆以秦為倦既是倦之本字何煩訓解婁氏字原

乃云券蓋倦字它碑所未用者又以置於界券券字之下蓋誤以從刀者為從力耳又跋云洪氏碑式云碑十六行石已斷剩所存者行三十一字題名四行行四人然則洪不言陰是題名即在正而非碑陰也今拓本略可見者十三人又其微露一二筆如糸旁之類洪所未及耳周龍幼與下一齊字當亦別是一人又跋云是碑朴質蒼勁微似張遷碑而加之流逸又間出以參差錯落之致漢隸能品也後題四行竟類韓勅神品碑而又有下開唐隸處覃谿方綱張頊跋云覃谿補釋隸額類二字甚精予補釋者春秋口十是六十究分台補是分乎不是是字周嘉彥英下接樂浪太守非并州刺史並未割斷皆可辨也昨日一日酒食游戲未遑校碑行人臨發乃匆匆寫此而還之乾隆癸卯六月十二日石公張頊記

單跋又題其後云石公舍人此跋又補釋三處春秋六十確
是六字予已據此補入釋文內矣至於完是台輔確是是字
舍人誤看作分耳若周嘉彥英下其紙直連樂浪太守樂浪
太守劉騰元才下其紙直連薄令劉皇脩正以此張本未翦
斷而益知洪氏之是也蓋洪氏固云題名四行行四人也今
自周嘉彥英下至樂浪太守恰於中隔三人再自元才下至
薄令亦恰隔三人而其紙適皆接連於是知洪氏隸釋所書
題名皆是按原石橫列書之先其上列而後及其次列也近
日著錄金石諸家往往忽而依橫書為序忽而依直書為序
迄未有以訂正而畫一之者今得此糸始知洪氏所錄皆依
橫列為序自今可據以為著錄之定式而非舍人之言亦莫
吾發也因併附識於後方綱

朱伯靈碑

翁覃谿題一絕云鴻東推記通元經白日幽州想伯靈徒與
江郎牽昔夢又添濟上水苔青注云聞小松得朱伯靈碑先
賦此詩示江秋史乙巳夏五月廿日又題一絕云夜雨挑燈
泥小畝廣陵泐字莫深悲清香畫戟簾鉤月老守時時夢亮
州注云小松寄是碑來屬為跋尾且曰能令秋史手摹一通
寄其尊甫蔗畦先生更為佳話也題此示秋史兼寄蔗畦又
注云歐陽文忠守亳州日移此碑於學宮故末句及之又總
跋云乾隆五十年秋七月廿三日北平翁方綱借臨一遍寫
此二詩不減題名石側之樂也以上皆在穿中穿當碑字下
又跋於後四則其一云右漢故幽州刺史朱龜殘碑孟頫計
中間空間處與洪氏隸釋正同而尚較去大半是重刻本之

僅存者字畫之古勁非宋以後人所能摹勒當即作中平原
刻觀矣其二云扶盒九兄以所得成陽靈臺碑小黃門譙敏
碑暨是碑三種屬為跋尾三碑之中是碑最為精妙以洪所
云間者攷之選種下似是書字解案上一字左糸旁右似正
以憑意度之恐原本是疏字蓋左正上乃微近然首拓本模
糊致訛耳爾乃之乃上半是冂蓋原拓不甚分明鑒賞家幸
勿作平頂觀也其三云隸圖云朱通碑篆額二行有穿文十
七行行卅三字有碁局紋今惟見界文餘不可考矣然歐陽
公云于時幽州州下滅一字以君為御史中丞其後磨滅小
歐陽又云龜廣陵人蓋歐陽所得是極殘損之本故致于時
益州益說為幽而廣陵太守之孫訛為廣陵人也今見此殘
拓抑又何減晉人所得耶其四云是碑書勢多變方為圓在

漢隸中為最近篆者宜六朝變楷之後以永興祠山陰也觀漢隸當合前後原流觀之乙巳秋七月廿三日跋此四條方

綱又江秋史詩二絕曲過空記墓門經搖護難憑社鬼靈趙

謂託人就毫一片寒山誰共語柳湖柳色自青青歐公使碑

傳為學宮舊址云紀搜榛莽憶年時五字閒緘重鼎通信是

千年惟紙壽前賢辛苦邵沈碑跋云乙巳四月覃谿師墓小

松所寄碑首五字鈎本系詩見示瘦同并題句于紙因和又

一絕云磨滅原傳集古歐娟娟缺月動新愁秋燈暈碧篆

久不辨幽州與益州跋云七月小松寄是碑來覃谿師復題

句以示因和又跋云漢朱通碑水經注記立於中平二年小

歐陽則云缺不見年數隸釋所載亦無中平字洪所見之本

豈更殘于歐耶而于時益州蠻夷侵寇之文歐之所誤與以

為減者又皆無恙也。鄒云碑題漢故幽州刺史朱君之碑。碑
圖云篆額兩行有穿。而此本無故字。穿正直碑字下似額字。
居碑首之右偏。如唐君尹宙之式者。隸釋萬歷藏經板本云。
右漢口幽州刺史朱君之碑。于故字間而空之意。當日故字
全蝕。裝者翦去而重刻。此本時遂以幽字緊接漢字耳。其洪
所闕字。蓮種下第二字似惠字。碑字含篆法。故惠字上畫
兩端上曲也。金石諸書所載漢碑。亳州最多。家君守亳時。百
計購訪。無一存者。小松近獲此本。遠寄相賞。爰摹一本。寄呈
家君。以踐金石之盟云。秋史江德量識。又張石公一絕云。人
在曹鸞黨。銅時幽州刺史說。朱邇雨中夏木森森綠。獨有閒
情讀漢碑。乾隆乙巳五月為江秋史題。又一絕云。秋雨泥深
沒踪跡。今朝喜鵲勝靈龜。開城黃九平安信。又見人間三漢

碑小松九兄以靈臺譙敘朱伯靈三碑寄同人題詠復次韻
七月廿五日張頊又跋云右刻每行五字有界綫系祖考之
鴻軌十字不勻亦無界綫紙並未翦斷乃知祖石本所裝如
此而摹者因裝本雙鈎耳曹鸞上之下洪釋闕今審之當是
隸字隸急也言鸞上章告急也從糸從求此從糸作是者隸
之祭也此刻過洪作字全闕莫模時脫落一段非所摹之祖
石殘蝕在歐趙洪之後也頊覃谿書其後云隸過過皆不確
觀者勿信也此祖石在歐趙洪之前也方綱又書又跋云過
種下是書惠二字惠字江秋史所釋的確不易即此二字尚
於重刊之本辨出則其祖石本在洪氏所得一本之前何待
言哉方綱又孫伯開跋云僕與小松神交久矣金石投報殆
無虛時至是始識面於中州節署時五月廿八日也并携宋

摹兩碑來屬題字按此碑有永昌太守曹鸞上疑云云隸釋
缺疑字玉篇云紕所除所去二切亦疏字括此知即上疏異
文又証顧野王之有本潭谿宮詹瘦桐舍人之言皆未然也
書此以質小松先生乾隆丙午六月五日孫星衍記

初六日復展焦敏碑以陳作典話作結殉作凶形作彬又云故
國師焦贛則今之焦姓皆本焦氏也後有芸臺相國題字

初七日鄭盦丈出示梁永陽昭王及永陽敬太妃墓志銘合裝
一冊敬妃銘僅見古刻叢鈔而昭王一刻則金石家無著錄
者洵至寶也兩碑皆題尚書右僕射太子詹事臣勉奉敕撰
書法方流圓折精勁無匹觀此知南北書派本出一原後人
執唐臨晉帖拘拘城南北之界陋矣敬妃銘經方彥聞以叢
鈔校過惟普通元年十月下脫廿三日三字然如景行著於

千古陶本作中口粹範外昭陶粹字僅留米旁缺其丰而此
刻尚清審可辨彥聞未指出也程春海題籤彥聞及何子貞
太史皆有跋

十二日唐仁齋來持刁遵墓誌見示以粹編校之已損十餘字
惟第一行兗州下諸字猶留其丰第四行陽上義字猶隱約
可辨王皆未釋出此碑雍正間刁公樓耕人得于刁氏墓中
今藏南皮張尚書家聞已殘缺過半矣

十五日唐仁齋來購定經幢十種一如意元年史延福造一開
元十二年安眾寺知空造一開元十六年汧源縣丞楊浹造
一天寶七年造一天寶十一年蔡陽縣造一大歷十三年西
明寺大德智明造一咸通二年造題一切如來白傘蓋大佛
頂陀羅尼幢一咸通七年精嚴寺朱及造一無年月美虛已

書又信法寺造彌陀像連碑陰側舊搨鄂國公尉遲敬德碑
三原西明寺經幢合價洋八元據云是版臣冀氏物而榮陽
幢有武林韓小亭宋定印即撰無事為福隨筆者也

十六日得翼甫書附到大藏音義一部香巖所託購也又留真
誼二冊一冊皆宋元舊刻舊抄各摹一二葉以留面目一冊
皆前人墨蹟東瀛人筆居其九宋元刻以通典論衡文選世
說新語黃山谷集謝幼槃集五燈會元本草衍義為最精寫
本論語多至十許種莫名其妙也

十七日鄭金丈以香巖書見示一切經音已屬恭呈使購寄二
部印本甚精而直祇十六元鄂來之本幸居停即以贈彼故
無後言否則將以僕為黎邱之鬼矣楊君嗜利至於如此真
出意料之外即作書為冀甫言之冀甫恍然無城府不言恐

為所欺也燈下取音義首冊繙閱一過有開成五年九月十日顏齊之序又試太常寺奉禮郎景審序云近有元庭堅韻英及張戩考聲切韻今之所音取則於此大略以七家字書釋詁注云七書謂玉篇說文字林字統古今正字文字典說開元文字音義又有東國杜多鶴寶洲槃譚新雕紀事如玄應衆經雲公涅槃慧苑華嚴基師法華等音義皆集大成又云琳公前後著音義者雖有數家無出其右唐太原處士郭遵著新定一切經類音八卷見智證請來錄今缺周雲川西密行瑠律師撰大藏經音疏五百卷今絕不行晉漢中沙門可洪著新集藏經音義隨函三十卷今見在高麗藏然統紀四十三日可洪進大藏音義四百八十卷勅入大藏可疑燕京崇仁寺沙門希麟述續一切經音義十卷是亦見在高

麗藏開元錄後慧琳未音經論今續者也宋沙門處觀等經
興大藏音三卷甚疏略見在明藏按以上所紀諸家經音源
流頗詳慧苑玄應今有專刻雲公基師即附慧琳音之內希
麟亦有行本得之師其餘皆不可問矣可洪音訪諸高句驪或
尚可得乎槃譚又云此音中華早絕不傳高麗雖曾求之於
中華無由得之後求得於異邦應是而舛舛置之於海印寺
本邦大將軍源義滿公嘗請大藏於朝鮮逮義政昌之時始
請還達今雖東建仁禪剎大藏是也琳音在藏中同來先師
忍漱老人寫得全本以刊布於世已梓十餘卷未完師方遷
寂遺弟等多方勤勞遂其殘功東都苑首律師為之校閱有
杖批嗣而將刊焉又聞朝鮮海印藏兵燹散亡則今刻本可
寶矣元文二禩丁巳仲秋上浣此慧琳音由海印流入日本

刻書之歲月也又引宋高僧傳慧琳姓裴疏勒國人始事不
空三藏元和十五年卒春秋八十四又引佛祖通紀作河中
府沙門慧琳撰共一百三卷與序不合

十九日鄭僉丈贈三老碑拓本石在餘姚客星山咸豐二年出
土前半分四截其最上一截四行二十二字曰三老諱通字
小父庚午忌日祖母失諱字宗君癸未忌日次一截六行四
十六字曰據諱忽字子儀建武十七年歲在辛丑四月五日
辛卯忌日毋諱捐字謁君建武廿八年歲在壬子五月十日
甲戌忌日次一截六行三十八字曰伯子玄曰大孫次子但
曰仲城次子紆曰子淵次子提餘曰伯老次子持侯曰仲雍
次子盈曰少河最下一截五行二十九字曰次子邨曰子南
次子士曰元士次子富曰少元子女曰元名次女反曰君期

其後又直書三行共八十二字曰三老德業赫烈克命先已
汁稽履化難名兮而右九孫日月虧代猶元風力射邨及所
識祖諱欽顯後嗣蓋春秋義言不及尊翼上也念高祖

此字失寫

補入至九子未遠所諱不列言事觸忌責所出嚴及焦敬晚

末孫口副祖德焉春在堂隨筆載有周清泉跋云先君子解
組後卜居邑之客星山下嚴陵塢咸豐壬子夏五月村人入
山取土得此石共二百十七字因卜日設祭移置山館建竹
亭覆之又據後漢書任延傳定諱忽字子儀者為董子儀又
云祖母母有諱字而不及氏末云責所出嚴及焦或二母之
氏歟

二十日唐仁齋持于志宣碑一冊見示有張叔未藏印又褚書
千字文渤海藏真刻

廿二日買舟下鄉至橫塘敬事已維楫以待李氏塋在湯家山之陽又一新塋在山之陰士瀛生時所卜墳也今將其夫婦於此或言地在薦福廢刹旁異日重興為形家所忌又其所置餘地為某氏產前有緯楔陷入土中亦未可撤而去之余詢之土人知其側為徐氏墳明季忠臣念陽公之先墓於此緯楔亦其家物也因擬讓其餘地仍歸徐氏庶不為異漢君所怒乎荒山古刹重興無日此廢可不必慮

廿四日前日在湯家山見有大塚塋碑巍然石馬羅列詢之土人則湯氏之墳即鳴鳳記中所演湯懷背也余大駭急購其碑則成化某年制贈大興縣湯渭父母誥敕未識渭即東樓之客否弇山賈禍事業於說部中得其詳今忘之矣墳側又有一扁頂碑已不存以意度之有碑者渭父母墳無碑者渭

墳也又數十步有一碑文微明書撰叙不及讀

廿五日莫釐鈕君來匪石先生之孫

廿九日鄭盦丈盡出所藏祕笈屬編書目並云天祿琳瑯同治
癸酉詔付內務府重裝旋龍馭上賓今迄未交進不知流
落何所矣武英殿亦有祕刊數百種盡遺一炬其書目惠邨
有之

三十日得柳門學使書寄贈武氏祠堂畫像拓本曲阜漢魏六
朝石刻拓本皆其親督工人選紙精拓又附到惕身書寄贈
琅琊刻石一種唐駕鸞碑一種即泰山老君廟題名牌也又
建霞一函云新見牟陌人廷相手校汲古本說文易林莊刊
淮南孫刊晏子明程榮本韓詩外傳畢刊呂覽盧刊逸周書
明本韓非朱墨爛然惜未過錄又陳仲魚先生文孫尚守遺

書百篋流寓濟南宋本已化雲烟元刊及手校各本多有在者柳門能得之矣又云新得舊籍多種以嘉靖本嘉祐集為最並寄篆書說文部首一冊仿石鼓文頗有進境此予天分絕人余所見蒯禮卿外殆無其匹今更能潛心撲學真不可量矣

十月

初一日得申季書觀元刻聖朝混一方輿勝覽共三卷八冊初二日自後日必覽宋元舊槧盡一編即論其板本及收藏源流為解之

初六日得之云海源閣書自元板以下有人償值三千金而未售也宋本得鉅費亦可出鄭蠡文云楊氏元刊亦有寶物玉函堂元人集部盡歸之有四庫未收者購得香山舍利塔一

種此本為歐陽信本所出得精拓可抵宋榻虞恭公碑惜藏石者愛惜過甚無精本也

初七日得翼甫書知星吾不允送書來而欲僕前往其所謂宋元槧亦皆不可恃因商之蔡陽即覆一函僅擇廣韻論疏竹友集等四五種并定一價可售則寄蘇償直否則罷論

初九日又得翼甫書知前函為星吾督寫其人之雜奇閃爍無與比倫此事費唇舌數月終為畫餅耳元刊篇韻惟翠巖精舍刊玉篇南山書院刻廣韻最精所謂金本者亦元人刊其精者耳宋槧論語邢疏欲得善賈而不知其書之陋也又有影鈔楊上善太素經不全本相為中土遺書而鄭盒又有其全本也宋本藏經以番佛三千尊售之宋軍門欲其補全即藏其目翼甫以為艱叔衡侯念椿之不如誠哉是言也

十一月

十六日得翼甫書並寄到北宋樂廣韻南宋刻竹友集各一部
價名世之數論直幾半年信函往還數十次僅而得此古緣
豈易歸歟廣韻即澤存祖本據楊星吾跋張氏多臆改今黎
星使在日本重刻亦不能悉依舊文則是書誠至寶也竹友
集前有呂本中序又苗昌言跋云臨川謝逸字無逸弟邁字
幼槃以字行兄弟以詩鳴江西有文集合三十卷紹興辛未
趙公朝議來守是邦命勒其書於學宮今考是集十卷則謝
逸誤堂集當有二十卷不知天壤間尚有其書以成合璧否跋
後題名云右從事郎軍事推官宋砥右文林郎軍事判官陸
昱右地功郎差充州學教授苗昌言右中散大夫通判軍州
主管學事嚴仲遠右朝議大夫知撫州軍州主管學事兼管

內勸農營田使趙士鵬

廿一日鄭奩文贈顧宋樓藏書志一部作張丹叔延秋館詩集跋一首代鄭奩文

廿二日東申季偕大唐類要一部鈔本十六冊洵美文手過嚴鐵橋批惜僅及二冊而止

廿五日純大在怡園招飲顧星東云曾得楊星吾唐人寫經二本亦天平年物

廿八日校列子新刊本東申季運鐵網珊瑚此本題都元敬撰偽書也見四庫目錄又東新吾託鈔大唐類要

廿九日購甘泉鄉人稿先正事略各一部江右王小霞物也小霞令武進虧帑被劾其家以書出售皆新籍無可取者

十二月

初二日訪再韓並晤其弟叔彥新科拔萃也英年好學黃學使
極賞之印若昨持四書一部見示附學庸或問明福建題接
御史吉澄刻也

初三日校乾象新書

初四日緣潤堂以書求售有抄本朱性甫鐵網珊瑚汪樂卿瑯
瑯網天台古風頌古集皆可取惜直昂無從問津也

初五日校乾象新書印若來持縑山先生集見示云是莫麓山
人出售雖明人集部頗有涉於吾郡掌故擬購之縑山為大
倉王文肅之子集中多代父作

初六日得香生書粵刻板二冊云在港新得嚴鎮橋校初學記
周善兮爾雅補注有盧抱經手校顧藹人明史本末紀事補
遺皆珍籍也又見南宋本白帖與陸存齋所藏本異翁蘇齋

丁小雅合校本漢隸字源嚴鐵橋手錄平津館金石文

初七日此懷來見示趙松雪杖輿賦真跡圓勁拔俗與定武蘭亭跋同一筆墨中年所作也後有阮文達跋尾舊藏梁荏林家今由過雲樓歸李香巖又憚叔來託示劉石庵手蹟一本云是驚莊屬售者

初九日作焦尾閣集序一首代鄭龔文

初十日校景祐新書

十一日校景祐新書印若送來書五種內大學衍義一種題讀書記乙集上大學衍義與酄宋樓本合惟黑口紙色不古當是明初刻也此書今本皆別行不在讀書記內得此可以證原本面目雖明刻亦珍帙也尚有二史會編一部則明人取史漢合并竄亂刻為一書一錢不值矣

十七日鄭盒文見示陶器拓本十冊皆青州新出土者日照丁少山民善有致釋一首陳蓮齋收藏至萬餘有大如屋者王廉生亦有千餘件

十九日晴唐仁齋來購定王忠嗣碑段行琛碑各一紙又不全經懷七幅

廿一日鄭盒文見示宋拓崔敦禮碑李衛公碑姜遐斷碑姜碑粹編著錄僅二百餘字此可辨者猶有八百餘字崔碑亦較通行本為勝洵可寶也姜碑何義門舊藏有葉九來跋又歐碑四種溫虞恭碑最勝松下清齋藏本也化度寺次之宋朝宋拓二碑均有蘇齋跋又次皇甫郭蘭石藏又次九成則香嚴之刻本也

廿四日冀甫來談為言星吾之說謠絕項目錄之學亦絕頂其

宋本藏經改易目錄售於宋軍門德鴻既為一納子道破復作罷論其所居宜都城磚甚古皆刻字携之東瀛善費而法翼甫得其小字本藝文類聚至費二十金可謂昂矣吳庵書言明年將集鉅資開書局以足利本七經為始亦星吾自日本携歸卷子本也

廿五日訪翼甫見其所得元建安鄭氏刻玉篇余氏雙桂書堂刻廣韻又明刻篇韻各一部即携歸又有日本內府刻醫心方僅見一冊皆容成之術多述黃帝之言雖不可為訓亦未見奇書也

廿七日訪此懷見趙松雪草書千文俞紫芝臨蘭亭序皆絕品俞續後有王良常跋

廿八日鄭盦丈所藏古瑣三其文曰今作船瑣令司樂作大寶

頃圖作韶墳以拓本見示為作一跋韶字渠以為昭穆之昭即其說引申之圖釋作頤古適字也

乙酉正月

初十日訪查翼甫出所藏宋元本暢觀有中統本史記殘警石手校即見於曝書雜記者翼甫內家為硃石蔣氏此其匿贈也又有元刻陳衆仲集虞伯生詩續編皆士禮居物有苑圖跋伯生詩與白氏文集殘本苑圖得於顧五癡家今白集歸湧喜齋矣又有宋刻小字本近思錄附後錄二冊皆朱子門人語四庫所不著錄元刻九經直音莫子德載之經眼錄並皆精妙

十二日居停贈管子纂註一部日本山井衡撰

十四日湧喜齋書目告成一百三十五種宛然成集矣京邸書

俟續編閱澠水燕談錄崑山潘曉香所手抄也後有跋云是
本乃亡表弟王君城臺惠余者城臺得之徵君顧先生翼堂
蓋刑部李先生泐漁物也余後質於夏子少白甲戌夏日少
白出以示余因為錄出一本以與少白而以原本歸余嘉慶
十有九年甲戌七夕後一日梅心濯園者潘道根一字慧地
謹誌於隱求草堂

上元日校玉篇以元建安鄭氏本與張刻對勘元本多刪節每
部字亦竄亂實坊本也然亦有一二佳處可訂澤存之謬泐
鄭盒文書云諒山陷後吾師一敗三百里敵逼鎮南關勦帥
傷股楊軍門玉科有陣亡之信果爾滇粵岌岌矣

十七日夜校左傳補注

十八日得山亭書贈七家後漢書逸文四冊贈汪文臺輯章門

局刻也又小浮山人江山風月圖屬數居傳其言似有所要
此事未敢與聞即還之

二月

初一日鄭金贈郝蘭皋爾疋義疏山海經箋注各一部其孫聯
薇所刻也

初六日鄭金文贈慧琳音義一部

初十日校論語孔注辨偽嘉興沈濤西鵠撰以古文書傳孝經
傳人皆知其偽論語孔注散見何氏集解中劉楚楨陳仲魚
疑其亦偽而未敢訟言攻之內作此書條舉明辨頗中肯綮
廿一日東臺蔡茂才履乾介鳳生東來出其母然孺人北堂謀
子圖屬題又得惕身函並石刻佛經拓本無年月

廿二日得綏之書云陳培之農部遺書有經韻正義未刻其云

恐有誤會也唐仁齋來贈寧越郡欽江縣正議大夫之碑一
種隋刻第一又首山舍利塔銘拓本頗精擬以舊所藏者易
之而稍償其直鄭奩贈癸巳類稿一部得諒山克復捷音並
斡法苒尼格禮也為浮一大白

廿三日此懷以所藏趙吳興書膽巴禪師碑屬求鄭奩丈題跋
許文恪舊藏文恪鄭老廬主也

廿五日作七絕二首

廿七日東此懷送去醫心方一部借歸陶堂集四冊故人高伯
足詩文也卓然大家其詩學陶其文學韓而不襲其貌

廿八日東此懷借凌次仲校禮堂集一部中有讀宋史及書史
文惠傳後二首為主和諧公平及鄭奩欲錄之也趙雲松廿
二史劄記亦有此說衡陽王夫之讀通鑑論汴宋之臨專歸

罪於李伯紀君死社稷之說謂二聖北狩網實罪魁則痛於甲申之變有激言之也又以新印蔣氏叢書一部屬求楊庸齋署檢其書學石門頌而流入陳曼生一派實不服也香生必欲得之耳又得純卿文書云有人以張伯顏本文選求售有陳仲魚跋

廿九日鄭盦丈以高伯足手錄詩冊見示城西四首集中遺其二補錄如左

二聖如天義斷恩虛閒請室劬加盆未湛七族刑非濫頻斯三階運已屯白馬猶朝骨母岸黃熊不化羽山魂首和將相艱難日心在安劉莫與論

迎輦芳風一路花金屏翠幙五雲遮昭陽似檢長秋藉春色仍齋曲宴家舊賜畫圍丹宸正新聯宮街墨封斜太行險絕

君知否殷鑒前途有覆車

三月

初一日鄭愈丈贈謫麟堂集德清戴子高著子高所著有論語注顏氏學記管子校正其學得之宋子庭陳碩父兩先生也得唐潤州句容縣大泉寺新三門記拓本開成三年立鄉貢進士姚萼撰富寺沙門齊祿書

初二日得此懷書附到珍菰宦古籀疏證目一冊此書亦名古文甲乙篇鄭愈丈從陽湖呂編修權斗覓得殘稿將刻之而附其目於首又得蒂卿都門書知陶子鎮編修作古其許君年表已屬叔朋刻之尚有淮南許注及倉頡篇輯本皆自慧琳音義出亦付梓矣常謂揚子方言即訓纂之一種識解奇創發前人所未發又得建霞山左書知方為黃堯圃年譜可

云先得我心又云卽亭謀刻碩父先生師友淵源錄又寄來
大明湖匯泉寺經幢拓本後云口先有願造孔雀院菩薩前
面香幢子永充供養清信男弟子宋嚴溫妻女弟子裴氏長
男延祚新婦劉氏院主尼智佺功德主善德廣嚴妙惠廣遇
妙證同光四年二月九日建

初三日作景龍觀鐘銘跋一首鐘在西安臬署土人多與金大
定十七年鼓銘合拓一冊

初七日鄭金出示石魚題名致釋序石魚在涪州江中水涸方
得拓姚彥士觀察為川東道時拓得宋元人題名百許種為
之考釋而文為之序

初八日帖賈以齊報德頌求售天保六年李清撰頌文靜公李
憲文簡公李希宗之德二公皆后族清為其援引者也燕州

釋仙書寰宇訪碑錄有目未列撰人名

初九日得包山經幢一種唐會昌二年壬戌九月八日寺僧文鑒等同建幢前試右武衛長史陸榮沙門契元書大匠吳郡陸永司馬弘錫四圍下刻僧俗題名

初十日得沈子伯書香生履新俊欲延山長意在操數

十一日鄭金贈說文校錄一部鈕非石先生著書局新刊也作喬梓京兆園跋一首代鄭金文題本無謂不能工也

十三日左傳補注論語孔注辨偽告成居停即屬以四書分贈申李紀懷永之翼甫又以陸存齋新刻儀禮古今文異同疏及三續疑年錄見貽

浙局書價

新唐書 連史七千二百 官堆六千

宋史

連史十六千九百廿

官堆十四千四百

通鑑長編

連史二十千

官堆十六千二百

長編拾補

連史三千六百

官堆二千九百二十

論語後集

連史一千六百八十

官堆一千三百

金陀粹編

連史一千九百四十

重賽一千五百

論語古訓

連史五百二十

重賽四百

玉海

連史廿三千五百

官堆廿千

賽連十七千

十五日東申季託致鈕心田書心田為非石先生之孫將以說文手彙歸之也又東翼甫歸醫心方醫心方題從五位下行鍼博士界丹波介丹波宿祢康賴撰出政元年侍醫多紀元堅多紀元斯校刻前有二人序康賴即二人遠祖也在中國唐初所采逸書墜典甚多洵醫林之寶笈也 太素經 最

元女經	龐氏論	眼方	治眼方	產經	子母秘錄	玉房秘訣	洞玄子
博濟安眾方	如意方	本草稽疑	廣濟方	延壽赤書	隋煬帝後宮香藥方	靈奇方	徐伯方
龍門方	効驗方	新錄方	廣利方	孟說食經	人集辨方	脈石論	新羅法師方
蘇敬腳氣論	大清經	湛餘經	蝦蟆經	真	扁鵲鍼灸經	華佗鍼灸經	華佗法
龍銜素鍼經	金	騰灸經	蘇敬腳氣論	大清經	湛餘經	蝦蟆經	真
人集辨方	脈石論	新羅法師方	耆婆脈訣經	錄驗	方	龍門方	効驗方
新錄方	廣利方	孟說食經	錄驗		博濟安眾方	如意方	本草稽疑
廣濟方	延壽赤書				隋煬帝後宮香藥方	靈奇方	徐伯方
刪繁論	療	眼方	治眼方	產經	子母秘錄	玉房秘訣	洞玄子
元女經	龐氏論						

十六日得齊造像一紙其文云大齊天保元年歲次庚午十月

壬申朔八日辛巳清信士弘弟子張龍伯兄弟等為上父母
敬進石象六勛運及七世所生已身因緣眷屬亡者生天見
存安隱仰願三寶永隆國祚延長五穀豐登人民安洛普及
有形同獲斯慶每象皆有題名 弘弟子張多宜 弘弟子
張龍伯妻楊阿眉息儀和妻尹女弟羅侯侍弘時 弟子張
景珍弟子景侍弘時妹太妃侍弘時息女阿買侍弘時 母
楊要弘弟子張迪洛妻楊阿香息口金息惠仁 張龍運妻
鼎好息口生 佛弟子張利妻上官姜 上北康存之日有
牛一頭願造象令得成就 施石主比丘僧法育供養時
施石夫主程盟口 佛弟子張方周侍佛時方周息阿奴
邑子吳進族 邑子賈毛寶息高明息大明 邑子公孫口
邑子常僧 邑子張友興 邑子孫景林 方周妻韓舍

王方周妻魯口妃女□□ 光明王前北豫州主簿恒農郎
功曹劉□

十七日致翼甫書借到宋元書多種

十九日鄭龔文贈貝子木張琬生詩集各一部木老人詩筆清
雄其論事訪作酷近杜陵同時詩人惟朱面生知止堂可以
頌頌先隱伏故尚非其敵也聞鄭龔云周季貺藏書存齊香
生所收外皆為粵中一孔姓所得又云楊秋室所見明季野
史外間不傳之本傳節子太守處有十餘種

二十日唐仁齋來購定唐姚懿碑徐燭之所書也徐書以姚懿
碑為第一翁蘇齊列入唐碑選此其次來耳

廿三日得乙生書柳門屬校師友淵源記陳碩父先生所撰也
尚有生存人西園師丁詠之楊見山均在其列鋌心田來說

文考異手彙即面徽之心田窮鄉樓學終年不入城市澗蘋先生其外王父河之丈則其中表家藏匪石先生手勛書珍如拱璧蓋能傳其世業者也

廿四日印若來以元刻韻府庫玉見示紙墨完好惜是陋書無可取也鄭奩在姚彥侍處見宋刻通鑑大字殘本紀事本末小字殘本又宋刻江湖小集五十冊至寶也元刻玉山草堂集行書做松雪體精雅無匹又藏伏波銅鼓有陽文八字拓以見示其文曰建武十八年伏波造致後漢書光武紀馬援傳及通鑑皆言建武十八年交趾女子僣側僣或反命伏波將軍馬援討斬之與鼓文正合銅鼓相傳以為伏波所鑄然皆無字非此竟不能徵實矣又案史有伏波司馬呂种援部曲也夜讀元刻伯生詩續編舊為士禮居藏今歸查氏木漸

齋其詳見莫邵亭經眼錄

廿五日居停贈茶香室雜鈔一部俞蔭甫先生著所采書籍及
於郎潛紀聞可謂不憚煩矣閱元刻李翰林集廿六卷本又
宋刻近思錄析十四卷為二十卷分子目一百二十一南宋
坊本也後錄十四卷無編輯名氏槧印精好抄本南部新書
吳兔牀合王蓮涇屬樊榭鮑以文諸家本校陳仲魚又以書
巢本校兔牀校此書乾隆乙酉今年適逢光緒乙酉屈指甲
子正兩周也又元中統本史記集解附索隱治城書局所刊
札記中有中統本即據此亦見錢瑩石帚書雜記皆翼甫藏
本也

廿六日閱論語旁訓句解宜春李公凱仲容撰都取朱子集注
電改刑節梅為己有不成其為書翼甫所藏也

四月

初一日作五古一首題石梅孫先生七十壽書後鄭貪文贈樓
梨館石刻一本朱文公上時宰二劄後有明吳寬陳敬宗廖
莊李東陽四跋陳跋以時宰為王淮廖則謂前書上史浩後
書上王淮歸安陸存齊則定為一上趙雄一上王淮存齊當
藏弄家有臨宋樓此帖即其所勒也

初二日作七律一首題梅孫徵君遺像徵君歿於光緒丙子余
從未一謁鳳生其高足弟子叔朋其甥也叔朋欲哀國朝名
人文集中論史之作彙為一編余輒以徵君經文鈔例專取
徵實者若如胡致堂策不攷時勢妄肆機鋒則正讀書者所
深戒可憐無益費精神願為誦之

初三日唐仁齋來購唐寶居士神道拓本李邕撰段清雲書又

經幢二種一大中甲戌崔口書皇祐五年重立崔下一字坊
碑錄作渙今諦審之似校字在用直保聖寺今尚完好一宋
開寶七載冬閏十月二十八日京兆前攝華州別駕杜永口
奉為先考府君諱澄字德潤亡妣夫人周氏建立後列次男
銀青光祿大夫前攝相州口口兼監察御史永口長新婦口
口口新婦口口孫男五人長日口口前攝華州觀察巡官新婦
吳氏次日口口前攝相州司馬次日口口前攝口州長史次日口
此下脫字不可辨女四人下剩餘男口哥女鳳女又隋仁壽
二年舍利塔下銘則同治癸酉夔州新出土物也

初四日訪申季議定古籍疏證共分六卷

初五日得香生書贈大戴禮記解詁一部南城王聘珍實齋著
初七日寄香生書並陳氏詩傳疏三部新刊叢書二十部又東

沈子復購古佚叢書二部一為帝卿一為鳳石也

初八日唐仁齋來持到石湖田家雜興詩石刻七套每套八紙其石在楞伽文穆祠鄭盦丈所屬也

初十日居停將釋版入都訂同行解館束裝

十二日購齊定國寺碑清南宮令造像各一種直一元

十三日得建報書云東昌楊氏藏咸淳臨安志百卷全帙即付汀日記所載劉燕庭藏本苑圃手校本至有八十餘種之多
過商河於城隍廟廊下蒐得國顯德二年經幢

十八日鄭盦丈以吉祭六座藏書數百卷見寄寒舍無隙地度皮墅李氏自往安排錢花叢書板亦移駐於此

廿三日明日首途謁親友畢集話別得數卿書

廿四日於子刻出胥門登舟卯刻鄭盦丈出城當道寄語 聖

安畢即解維用小火輪拖帶簿幕即抵申浦在黃浦尚闊淺
片刻不然到更早也

廿五日登海晏輪船安頓行李後登岸至書肆流覽醉六堂尚
有舊籍惜直太昂無從問津申刻開輪

廿六日鄭金文贈黎洲思舊錄一冊又武陵山人遺書六冊金
山顧觀光尚之著凡六秣通考九軌秣解回回秣解算膳初
編算膳續編算膳餘索九數外錄神農本草經周髀算經校
勘記傷寒論補注吳越春秋校勘記華陽國志校勘記共十
二種

廿八日到大沽即鼓輪進口離紫竹林十餘里下旋

廿九日乘小火船至紫竹林即僱民舟由潞河進發午後解維
五月

初三日抵通州泊船

初四日僱車入都至米市胡同卸車權宿福壽庭

初六日移榻園內東廂午後帶鄉來暢談

初七日解庭新自吉林來云彈春某塔有唐龍朔三年石刻

初九日至琉璃廠購馮君闕拓本其文曰故尚書侍郎河東京

令豫州幽州刺史馮使君神道

初十日居停服滿詣安奉 上諭署理兵部尚書仍在 南書

房行走

十八日潘子靜來極言西學為當務之急欲於里中設塾課子弟先由語言文字起漸及歷算氣化製造等學其言誠當然與拘墟者言之鮮不以為河漢而無極也

十九日鄭龔文贈郝蘭皋著述四函及梅史閣評證俗文彙書

堂文集外集別集筆錄筆記時文詩鈔

廿一日至琉璃廠購鹽池靈慶公神道碑尼法琬墓志崇聖寺
經幢沂源縣丞楊淡造經幢法性寺僧欽造書經幢又唐咸
通四年劉鏞書石幢去年吳中所得缺一面茲裝成二冊首
尾完全歸後摩挲欣然正通忽得諸弟書知提兒於月之十
二日丑時竟殤為之廢然臨行紙牘知不可為諸說不顧真
木石人矣

廿二日晨東謁御借吳文定家藏集王文格震澤集以破悶文
定集七十卷其子奭所梓又東從珣贈以書一部

廿七日至琉璃廠購經幢三種一天寶九載楊慎行書一天寶
十二載皆在登封永泰寺一題聖宋天聖二年歲次甲子十
月乙卯朔十八日建景祐丁丑歲再換前有序云今有毀故

寺主法諱瓊環者丘駐曼倩郡處彭城云云俊列師弟新主講上生經僧瓊惠等名蓋為瓊環建者也

廿九日訪從珊暢談拓本藏有四千種有在孫趙著錄外者甚多其寓繩匠胡同 國初徐懋圖司寇碧山堂即在其地查此山有飲碧山堂花下詩謝公別墅近城濠載酒曾陪飲興豪見集中

六月

初一日從珊來云在蜀中停舟夔峽自搜得聖宋中興頌摩崖偈十餘丈撰書人皆趙氏宋宗室又云武清縣有唐高士鄭忠碑新出土

初二日東從珊借古夫子亭雜錄香祖筆記居易錄寰宇訪碑錄補購洛陽縣魏造像百種有在孫趙二家外者直抵京錢

四千可謂廉矣又齊報德頌唐述聖記上柱國郭君殘碑共
三種天寶九載張懷瓘題名即在述聖碑額宋元豐乙丑王
子文題名則在撰書人姓名下

初三日在鄭僉丈處見椎場本禮泉銘文淵閣庫裝讀居易錄
初四日至琉璃廠遍游書肆架上寂寥其直倍蓰與庚辰入都
速矣惟購得宋汪文定集一部十二卷明程篁墩節錄本初
不欲取因有明善堂藏書印出自怡府存之又在寶經堂見
孤樹齋談有吳謝城名印吾吳藏家也從翰文堂借歸明刻
新序一部以校藏本與舊校嘉靖本悉合卷一首葉墮邱費
邱誤邵次葉專貴擅受責擅誤責擅非善本也

初五日晨帖賈來購隋宋永貴墓志唐解慧寺門樓替褚河南
伊闕佛龕柳誠懸劉公神道梁貞明三年新修南溪池亭及

九龍廟記又經幢四種一無年月一僅存四面題明昌口年
歲次壬子庚戌月庚午晦十六日乙酉丁時張口寒口妻甯
氏弟口吼妻董氏次三弟幼為出家前有記似建於祖父叔
之墓父文仙妻盧氏叔父文口妻黃氏祖父母名氏已泐一
東都福先寺西律院玉石幢本女弟子黃氏順儀為亡女練
師廿二娘於塋所建造其塋河南縣龍門鄉午橋村咸通七
年歲次丙戌六月一日甲戌朔十八日建一夫常建訓為先
亡妻孫氏發願造男郭七女阿攝天成三年歲次戊子四月
丙子朔五日建立價共京錢十四千合京平紋一兩
初七日嚴子範自濟南來云得之建霞已南歸建霞在濟為余
購得經幢百餘種聞之欣作

初九日同鄉高錢耕來以梁中大同元年慧影造像見貽並為

余刻五百經幢館石印二方一陰文一陽文得魏高湛墓志
一冊唐登封縣令崔蕃墓志博陵崔氏夫人墓志合裝一冊
魏高貞碑唐高元裕碑杜君綽碑杜碑王蘭泉著錄缺下半
載此本尚完約多二三百字王氏孫氏皆題高正臣書而無
撰人姓名此拓首隴西李儼敬思撰七字甚清朗可補二家
之闕清河公主碑道因碑亦儼撰文也又得經幢三幢一在
安衆寺後有一行云唐開元十二年七月十五日安衆寺上
座僧智空敬造石幢一所石浮圖二所一唐大中十載丙子
四月癸酉朔廿一日甲午右神策軍奉天鎮同政將宣威將
軍中左衛晉州神山府折衝都尉員外口同正員飛騎尉薛
志夥口口男從口從禮一筆法精妙極似王知敬書第七面
後題云佛頂尊勝陀羅尼經幢主君口住在口谷小張村人

也先化元年八月十五日口立末一面有字五行是宋時續
題者第一行云永興口口口口善鄉小張口居人祭主張
約奉為 先祖張俊直下孫張約口先祖再改葬之第二行
云口祖口口口口母口氏口亡口口口口口口氏建置後
三行云尊勝經幢口在口墳口追薦伏願亡過祖先來茲口
功口口口口善道元祐元年九月五日行口口口口口口
亡過祖父葬丙穴 亡考葬庚穴 附穴三座右口子孫其
墳中口口口口保守口口斫伐口脩葺功勤不少下焚磚室
松檟俾永久知祖先墳域所葬之處謹記

十二日讀香祖筆記

十三日至琉璃廠購經幢二十種熙年又為購得四種返館知
偉如丈有署理貴州巡撫之命

十四日午刻忽得南電十四字云荔棠十一病十三段事安餘
安另信三十年手足一旦分離同懷之恻何能自己去提兒
歿僅一月耳亡兒恭誕生時頭角頗崢嶸弟即思以為復不
幸夭折今提兒不先不後於一月前殤并無盲子為之解嘲
弟之命乖可謂至極而鄰人出未二月既失一子又亡一弟
亦何罪而至於此極耶即擬南歸鄭盦丈以長途酷暑隻身
不妥屬與偉丈同行因訪鳳石希卿亦以為然

十五日子範贈造像經幢若干種即置篋中無此心情啟視矣
十六日東從珊借新修順天府志稿金石類欲拓經幢以便接
圖索驥人生朝露世事浮雲欲及我身了此因緣且為逝者
功德如佛說得到菩提道場最勝之處

十八日從珊贈石刻八種內有金天會梵字經幢報國寺佛象

幢

十九日晚至筱珊處見舊抄本慶史庶齋老學叢談皆士禮舊
物有苑園跋慶史為瓜涇徐氏本據跋苑翁又有欽仲陽本
欽徐皆明時吾郡故家也筱珊又云士禮跋續從翁叔平司
空處蒐得二十餘則又從嚴肆見北宋刻嘉祐集精妙無比
以直三百金未能得僅錄苑翁三跋今日為荔弟殿之第七
日枯坐斗室悲來填膺因出破悶而不意得見此也嘉祐集
三跋錄後

嘉祐集十五卷

宋本

每葉二十八行行廿五字

癸酉四月十四日有書友攜此宋刻嘉祐集示余索直白鐵
四十金云出自松江故家余一見稱異刻本之精印本之爽
在宋本中可為希有雖首尾略缺諸藏書家圖記已終於缺

少處崑山徐氏收得時即如是則缺失已久瑕不掩瑜惜床頭金盡弗敢過而問焉及書友持去因檢舊藏蔣篁亭校宋本據之方知所據即是本宋句缺失篁亭註明卷首朱筆校改第七卷目錄起乃悔當時未及留一對勘也復令攜來取第十一卷中第七葉校云宋本作數月顧千里以爲不可解與此宋刻對數月二字作年蓋覆本訛數年爲數月蔣校宋作數年而涉筆偶誤仍寫年爲月耳蓋見宋本之可寶而校本之不足恃如此余遂有欲得意適外來有至蘇購書者欲得宋元人集余輟重出本屬書友佳應其求固爲貶損以就之而是書亦以他人還價未至物主允降價相就竟成交易書直未酬據爲已有再取蔣校本一一勘之無不脗合宋刻中有墨筆所改所增者皆篁亭手筆卷四中達慮篇故後世

不得見耳校云耳或改其非是此舊時人校改故董亭以為
非惟親見宋刻又先得校本故得互相證明古書授受源流
親戚如是余於翰墨因緣抑何深邪通體塗抹尚為宋人讀
本標舉眼目遇宋諱皆以朱筆圈其字亦足證版刻之前故
所避不廣皮相者以為大疵非真知宋本之妙者至于書之
由來唯傳是樓物猶可指證其目云宋版蘇明允嘉祐集十
五卷四冊今本悉符云嘉慶十八年四月十八日黃丕烈書
于百宋一廬蘇氏集卷十三蘇氏集諸子詢下宋本為妄人增賦
蘇二子董事未及知審校云從宋本增當誤為
非親見宋刻何由知之校
本之不如宋本此可見矣

越日晨起覆閱知前跋多誤字三行缺少當作缺失六行末
句當作末卷十二行因為當作遇為昨晚書畢燭已見跋末
及細閱因此致誤乃悟董亭校誤亦出無心也復翁又歲時

雨甚天陰薔薇一架落紅繽紛新綠掩映幽牕岑寂清味如是二

越歲丙子仲春六日晨起無聊偶檢及此覺古色古香久而彌著跋語精詳書之源流洞悉無遺半生心血略盡於此矣重展慨然三

二十日筱珊送一經幢來云在四川理番廳題元和十二年歲在丁酉

廿六日訪嚴子範訂定攝館二月復訪偉年丈訂同行

廿九日訪筱珊借歸雲自在龕金石目二冊其所藏簿錄也四川新出土造像題名甚多有自蒐得者

七月

初一日此懷夜來同訪芾卿至廣和居飯見筱珊此懷新從廠

肆購得翻宋吳草本周易本義又泰山道里記聶光弼汝著
有翁覃谿題字在上方署檢五字亦其手蹟又購得破爛同
門硃卷數冊中有許印林瀚龔定庵自珍文葉東卿志說薦
而未售龔作尤奇絕向希卿假竹汀匯石日記又龔子德所
註簡明目錄抄本惜祇有經部不知邵位西之完善也

初四日雨已刻登程積潦滿道繞路曲折行水深者猶二尺許
波聲洶湧如行巨浸中抵通州已深昏

初五日解維夜至香河宿

初六日至揚邨子靜以小輪船來迎薄暮抵津

初九日放棹至紫竹林登豐順輪船

初十日辰刻出口

十二日薄暮到滬

十三日訪金玉山託其僦定蘆墟船一號

十四日早起下船乘潮開行夜泊萊菴港

十五日遇順風午刻即抵蘇城憑棺一慟悲來填膺 慈聞因
哀痛傷肝舊疾復發初六初十兩次頗劇神色頗頓幸見游
子歸來胸次一舒當可即日康復

八月

初三日閱阮葵生茶餘客話略代叢書本

初五日錄沈小宛先生石湖詩注原本皆書於眉端寥寥無幾
鶴巢又所藏緝庭傳錄鄭金宮保假以屬刻

初八日唐仁齋送來湖州經幢十三種皆唐時物也

二十日得芾卿函贈汝州經幢五種皆殘缺一有宋大中祥符
紀年餘年月並模糊

廿四日黎明下船未刻遇崑山朝陽門夜泊車塘讀竹汀日記
上卷所見古書下卷所見金石附刻喜海然庭評語眉端朱
印滂喜齋刻也

廿六日平明到港

廿七日夜綏之招飲見任達年同年不見十七年矣握手道故
真有相逢各老蒼之感坐方定忽得甯氏電信 慈聞病又
發屬艘航海即投箸赴慧卿處寓覆信夜歸舟宿

廿八日登岸將託帶物件慈蘊岑帶都即返棹行

九月

初一日午刻抵婁門即返舍知 慈聞廿六日肝疾大發三日
不止賦藥定為積滯用沈香枳實檳榔三味磨沖昨服藥後
今日連下膈濁三次痛勢果戾失之東隅似可收之桑榆然

煥懷總不釋然形神顛顛正氣受尅亦非淺也

初四日早起自往延賦藥並造申李齋議用藥

初五日訪南第細論 悉聞病證後訪申李商投溫補亦未有

確見延高子實診脈據云中土受伐當以立中為第一義用
附子白芍芎朮雲苓朮未半夏黃昏服之未服藥時煥懷不
可名狀至手足跣擲服後漸平徹夜雖未甚安亦無大躁擾
初八日申李來與商用藥用茵陳川連棗仁服之甚効夜得寐
初九日建霞來飯談陳壽卿收藏之富為古今所未有印翠已
成書銅印至數千又云尹氏所得朱博頌不可信如珍墓志
已在王蓮生處于佛山造像寺僧塗以朱漆為飲錢計不令
人拓雖學使亦無如何也

初十日訪緝庭知月杪赴滬從海道入都 慈闈如能霍然尚

可與之結伴否則既失良伴轉向封河北行不果矣

十二日伯懷來持贈張有復古編後附子野詞淮南句刻也孫得之來談先以石刻數種贐械來武德元年經幢顯德二年經幢漢琴亭夫人畫鹿郭巨石室畫像會真觀題名

十五日校范石湖集注

十六日建霞來携示新得書籍數種以元刊輔教編為甲宋釋契嵩撰引大小徐說文及諸經傳與世行本有異同惜祇一卷非完本矣契嵩鐔津集四庫著錄 慈闈大愈

十七日訪翼甫知其浙闈中式七十五名又訪建報見舊抄本皇明通識明宣城吳同與其姪肅公撰又嚴久能慈楊雜記吾家十如老人錄本借歸虞山小史七本無撰人高麗人錄本據建霞云出自錢東澗又愛日精廬藏書志一部訪得芝

持歸鄭子尹輪輿弘美一部莫刻唐本說文一部其所贈也
十八日閱愛日藏書志

十九日至漢貞閣得無年月殘經幢一紙魏永熙二年韓顯祖
造像宋皇祐三年李涉四年宋禧等岱藏題名

二十日曹叔彥來力辨鄭康成非馬融弟子

廿一日閱虞山小史當是列朝詩集小傳點者錄出以炫麗人
耳惜案頭無列朝集未能定讞也徐興公錢叔寶邢麗文等
皆有傳有資於藏書故實頗多

廿四日得翼甫簡以宋拓柳誠懸蘭亭詩見示有王弼州徐興
公王良常題字

廿八日東建報還元刻輔教編殘本明鈔測元海鏡舊抄衍極
有蘇齋校語元刻明印本藝文類聚元刻本李翰林集王子

底然脂集手豪殘本元刻禮記巾箱本陳澧集說沈小宛批
注遺山集寥寥數語不能附刻石湖詩後也

廿九日束裝入都黃昏登舟即泊婁關

十月

初二日辰刻抵港午後知緝翁亦至寓天保棧即訪之

初三日襦被至天寶棧緝庭住前樓余住後樓其地即阜康舊

址訪王念劬曾到此昔日銅山今時傳舍可歎矣夫

初四日從緝庭偕大亭山館叢書三冊毘陵楊氏刻

初五日得南畝書知行後 慈闈眠食俱廢健忘怔忡舊恙又

將滋蔓乃知老人之疾皆因游子而來兩度申江欲守尾生
之信而終不忍為溫嶠之絕裾榮陽一席決計解鈴矣明年
春聞亦先於此日報罷天寶為之謂之何哉

初六日作京信屬紱卿安排善後事

初七日急欲整歸棹覓船不得

初八日早起金玉山來知船已催定即於午後解維

初九日東風甚利黃昏即抵婁門水關已閉從城外登岸返舍
知 慈聞病勢轉劇語言恍惚轉瞬即忘醫家謂由肝傳脾
由脾傳腎非陰陽並補不可

二十日南勇來知李海颿昨以暴疾卒於滬寓駭咤欲絕月初
尚具酒見招精神充溢眉宇何至於此人生如寄信哉

廿二日訪此懷新自都門歸談朝政可數

廿三日訪建輟見新得宋刻近思錄高氏鈔賞樓舊藏本又携
歸聊城楊氏宋存書室宋元本書目後附朱子清結一廬目
廿四日訪唐仁齋攜歸墨池堂帖一冊張叔未舊藏明拓本又

翼甫送來宋拓蘭亭集詩唐柳誠懸書拜經樓藏本有明周
天球止園居士印前有王元美題識後有徐興公王良常跋
王跋

自襖叙出右軍筆玉匣蘭亭龍孫定武外石刻何啻百十本
而孫興公文及諸賢詩寥寥無傳者獨柳誠懸少師嘗一錄
之見宣和書譜柳法遒媚勁健與顏司徒媲美書家謂驚鴻
避弋鰲鷹下鞬不足喻其勢急去山陰室雖遠大要能師神
而離迹者也予從顧氏所驟見之恍然若未識久看愈妙因
捐一歲俸獲之仍為歌志於後

此下當有歌詩已佚

又跋

公此書乍看之亦似有一二俗筆而久之則俗者入眼作嫵
矣殆似髣髴聖之視羊鼻翁也鋒勁處真純鈎鐸稍游絲細筆

亦似錢鑄中間一二行小楷以無意發之絕得晉人心印耳
跋尾楊少師有書名乃不能佳宋通無書乃致佳此亦不可
晚也滄浪莆田海岳無垢及長睿較書皆宋之詣八法者皆
有跋澹游老人王萬慶庭筠兒也明昌金昌宗年號然則此
卷蓋入北矣萬曆改元初秋書於九江道中舟行如畫吳郡
弇州山人王世貞題

徐跋

柳誠懸書蘭亭詩文世所希觀獨王弇州先生二跋考柳公
原委甚悉弇州捐俸所購者真蹟也宣和中曹臨摹於內府
故有新絹綿觀紙墨乃先代物也卷首有周公瑕止園居士
印章而標題亦出公瑕筆公瑕以書學名世其為所實可知
矣崇禎戊寅暮春中泠三山徐勗識時年六十有九

按元美跋當是興公補錄校書之校避莊烈帝諱作較可
知徐又以周府益府所刻蘭亭宴集圖詩校其異同與柳
所錄多不合

廿七日閱建報所記山左金石志未收新出漢魏六朝碑目如
左

漢

庶孝禹碑

河平三年

費縣

今在季山裏
宗岱處

君車圖

正陰
有題字

濰縣

陳氏

琅琊太守朱博頌德殘碑

諸城尹彭壽家

無鹽太守劉耀碑殘石

同治庚午出蘆泉山陽
土庫中號釋著錄之

東平州

學明倫
堂下

善照寺漢畫像

伏生受經圖畫象

沂州琅琊書院

兗州刺史楊叔恭殘碑

八分書
建宣四年

滕縣

今在安馬樓莊內

永口七年殘碑

同上馬氏家藏

建康元年殘碑上有二人

魚臺馬氏家藏

晉

明威將軍郭休碑

八分書
始六年

掖縣宋氏家藏

北魏

趙珣造像記

宣興三年

黃縣

高貞碑

正光四年

德州州學

馬鳴寺根法師碑

樂安

大王橋泰山行宮

張白妃造像記

天平二年

樂安

中堅將軍墓表

即鞠秀雲墓志
正光四年

黃縣

北齊

廣古寺造像

天保九年

魯彥昌造象

天保六年二幅

張龍伯造象

天保元年

諸城尸彭寺象

朱口思等一百人造象記

河清四年高苑

邑義一百人造靈塔記

武平三年十二月

滋陽在兗州考院

普照寺造象

蘭山

洪興寺造像

同

許始等造象

同

韋本振等題名

鄒縣

韋子深等造象四面碑

同

晉董康邑題名

同

章太陽等造象

同

北周

小鐵山摩崖佛經銘

乙未詔八年分書鄧縣大統元年

趙邈李巨教摩崖題字

同

宋朔將軍孫洽等題名

同

隋

劉景茂造像

宋叔敬造象

開皇十年吳口造象

開皇十五年女紅花等造像以上皆千佛山

王懷賢妻鄧敬造象

景龍元年僧無畏造象以上神通寺千佛崖

陽熙寺造像

樂安城西南八十里

龍華寺碑

正書

博興

城東二十五里
近名白鶴橋

比丘尼靜觀造象

開皇六年

千佛山鄧景造象

邑子元等造象

有側

千佛山李景崇造象

吳口造象

許道等結象三種

以上廢城

宋口等造象

朱陽

宋僧海妻張公主造象

楊文蓋結象

比丘僧智照造象

以上廢城

佛說出家功德經

嘉祥

王旰造无量壽佛碑

益都

涅槃經

汶上

五峯山蓮華洞大衆主鍾復等五十四人題名

長清

十一月

初一日唐仁齊送來寇譙之碑唐盧藏用書紀信碑李憲墓志
初二日得鄭奩書附到房山涿州經幢六種積古李君所拓也
初九日訪西廡見新得俞子中手卷龍跳虎卧逼真子昂其旁
缺處直欲駕而工之

十四日夜讀東湖叢記雲自在龕新刻本

十五日為秦年丈作墓志銘

廿一日申季晨來古籍疏證已藏事矣箱篆皆出建霞手

廿四日在書攤見殘本周書三冊似是元刻有嘉靖補版

廿六日午後讀池北偶談

廿八日讀錢玉友出塞紀程張家口外喇麻所造梵字幢有蒙古文者甚多牘下書生無從得之為可歎也

廿九日昨所見殘本周書往購歸僅存卷廿四至廿七卷卅二至卅四卷四十二至四十四共十卷每半葉九行行十七八字不等確真宋刻惟有明嘉靖時補版耳又王九思漢陂集七冊缺首二卷存十四卷尚是嘉靖時刊本夜夢持書求售者一冊宋槧極精前有顧大有跋二冊明刻似論丹訣者有袁袞序是豈所謂思夢耶

三十日至大成坊書肆購萬歷會計錄一冊僅存寧夏甘肅二

鎮予以三十泉憶江上李氏書目有丁晉公景德會計錄此雖非其比亦罕親矣

十二月

初一日至大成坊購明抄本馬令南唐書四冊缺首五卷每冊有臣昱私印交讓王第一百一世孫朱記卷末題字云萬歷二年十月錄完墨敝紙渝從故紙堆中搜出予以青蚨三百彼欣欣然矣

初三日為建報作輔教編跋

初四日至綠澗堂購定斜川集二本亦有生齋刊本又借歸櫟下生賴古堂集

初六日午後訪叔彥方讀士禮出示所作南交解不主交趾之說又見淮安秦其增伯厚六合唐思益女虞二函皆與叔彥

論學並能實事求是唐筆氣尤條達年纔弱冠秦亦未逾三十後生洵可畏哉近舍知慈聞忽古塞氣促幸即平

十一日申季來同至練淵堂又至大成坊書肆見明景泰刻虞道園學古錄一部雖有抄配不失為佳葉其如無此心情何十二日訪此懷此懷論包慎伯藝舟雙楫甚不以為然又言看巖身後管鑰皆紀綱主之清秘將不可問

十五日午後至練淵堂見鐵網珊瑚十六卷抄本題朱存理性父親趙清常後跋乃清常得焦澹園家本又益以秦西巖所藏實非朱輯朱本名珊瑚木難共八卷從無刻本此本雅訛間有精刻也又寶顏堂秘笈不全本奇晉齋叢書不全本論債亦成後該唐仁齋揭歸豆盧通造像比丘碑身造象後有車非安等題名天保八年法儀兄弟八十人等始象尚有造

像數種昏黑不及細視

十六日申季來暢談至暮携示太僕卿元公墓志又太僕卿夫人姬氏墓志皆隋大業十一年刻包世臣以為歐陽信本書未可深信要之其書後技廉悍自是當時巨手耳同至此懷處出示錢舜舉草燕圖生動飛舞款為未有上題元貞二年三月錢選舜舉畫於太湖之濱又元俞紫芝錢翼之書何彌陀佛經各一卷俞書前有張紳篆何彌陀佛經五大字後有紳跋俞書枯瘦與所見蘭亭等跋絕不類未敢信也錢書為陳宣妣作後有其子植跋中有深字犯其父諱郡志稱植至孝何得如此其為贗作不問可知矣

十八日檢新修府志人物傳吳縣有朱璉子新常熟有朱璉子新實是一人惟璉璉異文耳疏舛如此宜乎人言藉藉也

十九日東西齋借卞令之書畫索考

二十日從綠澗堂取歸眉公祕笈正集及雜著數種太平清話與妮古錄所載略同清話多數則耳明季山人即不通何至鹵莽如此當時又何以盛行真不可解也

廿一日探說兒讀孟子梁惠王篇吾不忍其觫然若無罪而就死地與下即不忍其觫然若無罪而就死地舊讀觫字絕句竊謂若字皆當屬上句讀文理方順以下王若隱其無罪而就死地證之可見

廿二日讀雲烟過眼錄公謹同時有文壁精賞鑒今骨董厔作衡山畫或題文壁不知衡山名壁不從王也

廿三日得周茲明書索還餐芍館詩其祖致夫先生所著也查其甫來云新從海寧拓得經幢五種寧波三種約明春可得

欲覓太元范望注楊星吾廣文有是書而居奇不出因舉舊
在清川手抄三冊贈之翼翁又云吳兔林舊藏漢隸字源翁
覃路手校至數萬字其書歸鮑明卿今不知流落何許又云
在雲波見一書名天一閣述抄本索直五十金未得

廿四日得樞亭函拓到經幢五幢海寧安國寺三幢一剝蝕僅
存一面有字一咸通六年左金吾押衙韓詞造有鍾幹韓公
允等題名一無年月沙門令洪書又二幢在硤石紫微山惠
力寺一咸通十五年歲次甲午五月戊子朔二十八日乙卯
清信佛弟子方和及弟月等為先考妣張顧二夫人造口
宗厚書陸傳口銀一題名僅咸通十五年歲次甲午可辨筆
跡相同當是同時造耳

廿八日閱嵩山三閭拓本射鮒居藏舊為方彥聞所拓以貽吳

山子山子前有釋文後有跋常州趙君熙文避地滬上時得之吳先生之孫壽年今在趙君之弟能靜烈文處二趙皆方氏甥也能靜跋稱彥聞藏拓本四十餘裏每裏一二百通燼于庚申之劫

廿九日錄隋武衛大將軍吳公李氏女墓志一通唐仁壽携示女姓尉曾祖覽周柱國太保公祖經周柱國少傅大司空吳國公父安皇朝左光祿大夫左武衛大將軍大業十一年五月十三日終於京宅春秋一十有八在幽媾婚歸於李氏除夕日綠澗堂書肆購俞仲蔚集一部有結衣印不知是否結琦亭物寓刻精妙學松雪者所書也

女夫王立勛謹繕印

綠背廬日記抄卷三

邑後學潘承厚謹校

緣督廬日記抄第三冊校勘表

葉次	行次	格次	誤	正	葉次	行次	格次	誤	正
二	十六	十八	哈	哈	二十一	三	廿二	疏	係
四	十四	心之間 脫之字		之	又	廿一	十九	茲	范
十二	三	十四	止	上	二十二	十七	十一	類	類
十三	六	六	空	雲	又	二十四		神	禮
十四	二	十四	名	石	三十一	二十一	五	之	題
十六	廿二	十四左	悔	海	三十一	八	三	刊	刻
十七	十	七	離	續	三十三	四	十二	又	丈
十八	四	廿二	而	面	三十四	十四	十三	邇	邇
十九	十八	十三	備	脩	三十五	九	五	書	出
又	廿三	廿四	字	家	三十六	一	十一	贈	購

